

Na internetskoj stranici Agencije za nadzor možete saznati kako podnijeti zahtjev u slučaju pritužbe na rad ili postupanje nekog od subjekata koje nadzire Agencija za nadzor. Agencija za nadzor ne može davati savjete ili preporuke u vezi sa uslugama osiguranja koje koristite ili namjeravate koristiti (kao npr. preporučiti određeni proizvod osiguranja ili određeno društvo za osiguranje). Za više informacija posjetite: www.ano.ba

OSIGURANJE VOZILA Obavezno i dobrovoljno

Osiguranje od automobilske odgovornosti pokriva štete koje vi prouzrokuje drugima

Osiguranje kasko motornog vozila je dobrovoljno osiguranje koje pokriva štete na vašem vozilu i onda kada ste vi prouzrokovali štetu

- Upoznajte se s različitim vrstama osiguranja i što ona pokrivaju.
- Pažljivo odaberite rizike od kojih se želite osigurati.
- Provjerite uslove vezane uz isplatu naknada po osnovu štetnog događaja.
- Pročitajte i analizirajte uslove vezane uz situacije koje neće biti pokrivena osiguranjem ili situacije s ograničenim pokrivenjem.
- Ako imate pitanja ili nesigurnosti, konsultujte se s osiguravajućim društvom ili posrednikom u osiguranju kako biste dobili dodatne informacije i savjete.

Što je obavezno osiguranje?

Osiguranje vlasnika vozila od odgovornosti za štetu prouzrokovanu trećim licima ili osiguranje od automobilske odgovornosti (AO) je jedan od uslova za registraciju motornog vozila i mogućnosti učešća u saobraćaju.

Društvo za osiguranje ne može odbiti da zaključi policu obaveznog osiguranja od automobilske odgovornosti.

Osiguranje od automobilske odgovornosti pokriva štete koje vozilom prouzrokuje drugim licima zbog smrti, tjelesne povrede, narušavanja zdravlja, uništenja ili oštećenja stvari.

VAŽNO: U slučaju da ste prouzrokovali štetni događaj, policu osiguranja od automobilske odgovornosti ne pokriva štete koje nastanu na vašem vozilu i vama.

NO ANO ANO ANO ANO ANO

Dodatna dobrovoljna osiguranja uz policu obaveznog osiguranja

Na polici osiguranja od automobilske odgovornosti možete uz odgovarajuću premiju ugovoriti dodatna dobrovoljna osiguranja kao što su:

- Osiguranje putnika uključujući i vozača od nezgode koje omogućava da ukoliko ste prouzrokovali štetu motornim vozilom imate pravo na naknadu u slučaju nezgode-povrede,
- Djelimično kasko osiguranje stakala,
- Osiguranje stečenog bonusa – koji omogućava u slučaju da u osiguravateljskoj godini prouzrokuje štetu, zadržavate pravo na stečeni bonus.

Dobrovoljno osiguranje motornih vozila – kasko

Polica kasko osiguranja nudi dodatnu finansijsku zaštitu kod nesreća do kojih je došlo vašom krivnjom, a u nekim slučajevima i kod požara, prirodnih nepogoda, krađa i kvarova. Osiguranik može birati ovisno o potrebi npr. potpuni (full) kasko, djelimični kasko, kasko malih šteta, kasko sa uključenim rizikom krađe i sl. Društva za osiguranje mogu odobriti određene popuste na premiju za policu kasko osiguranja.



OSIGURANJE VOZILA Obavezno i dobrovoljno

Kod obaveznog osiguranja od automobilske odgovornosti obračunata premija se plaća jednokratno danom zaključenja police osiguranja.

VAŽNO: Visina obračunate premije obaveznog osiguranja od automobilske odgovornosti zavisi u velikoj mjeri od toga da li ste u proteklom periodu prouzrokovali štetu (bonus / malus), što je predmetom provjere na osnovu vaše prethodne police zaključene u Bosni i Hercegovini.

Visina premije kasko osiguranja zavisi od više faktora kao što su: vrsta vozila, vrijednost vozila, namjena, starost, bonus / malus, obim pokrivača rizika i dr.

Kao i kod drugih oblika dobrovoljnih osiguranja, za policu kasko osiguranja može biti ugovoreno jednokratno ili višekratno plaćanje, u skladu s potrebama ugovaratelja osiguranja.

Kasko osiguranje obično sadrži obaveznu franšizu – sudjelovanje osiguranika u šteti.

Uporedite ponude više osiguratelja kako biste ugovorili policu kasko osiguranja koja će najbolje odgovarati vašim potrebama.



ŽELITE DA RASKINETE UGOVOR O OSIGURANJU?

Policu obaveznog osiguranja od automobilske odgovornosti možete raskinuti prije isteka perioda na koji je zaključena ako je osiguranik odjavio vozilo zbog uništenja, rashodovanja, stavljanja izvan saobraćaja (mirovanja) ili drugog (ne uključuje prekid police zbog promjene vlasnika vozila).

Kod obaveznog osiguranja od automobilske odgovornosti u slučaju prijevremenog prekida police, osiguranik ima pravo na povrat neiskorištenog dijela premije.